

اِسْتِزْهَارِ

نومرو ۱۰

بِخِشْبِه

۱۲ تشرین ثانی ۱۳۲۴

فلسفه حقوق جزائیه

۲

بعض حکما و حقوق شناسانك حق مجازاته متعلق افكار و آراسنى اولكى مقاله مزده ایضاح و حق مجازاتك منافع عمومیه به مستند ایدوكی فكرنده بولنان «بنتان Bentham» مسلكنك مردود و مجروح بولندیغنى بیان ایلمش ایدك . بومكتب مسالكی مجازاتك مبنى علیی اولان فالغی، رد وانكار ابتدکاری کبی ایلیکی دخی قبول ایتزلر . «ایلك فائده لی اولان شی ، فسالقده فائده سی اولمیان شیدر ، بونلری ارامه ایچون مجازات تهدید کارانه کایدرد» دییه رك حق مجازاتی فكر عدالتیه استناد ایتدیرمیوب منافع عمومیه به استناد ایتدیررلر . برنجی مقاله مزده تدقیق ایلدیکز افكار و آرانك اك مهلكی ، اك خطا آودی ، شهباسز بو مسلك اولدیغنى ظاهر و هویدادر . خصوصاً كه «بنتان» نظریه سی اخلاق نقطه نظرندن کمال شدت و موفقیتله و دلائل و براهین مقننه ایله رد و جرح ایدلمشدر .

اساساً عالی اولان طبیعت بشریه یی دركه سفلیته ایتدیرمك ایچون آنی هر درلو حقوقندن محروم ایتك اساسنه استنادایدن نظریه مذکورده زوال و اندراسدن دائماً مصون اولان حکمت تجریبه اساسنه مستند بولنقدن بك بعیددر . وقوعات باهره تاریخیه و قناعت وجدانیه قطعیه بو نظریه نك معکوسنى تمامیه مبتدیر . مشاهیر حقوقیوندن «ژووفرووا Gouffroy» حقوق طبیعیه نام اثرنده مسلك مذکورى تنقیداً یوروتدیكى شدید مطالعات دخی بو بابده بك قناعت بخش ادله تشکیل ایتکدهدر . حقوق نقطه نظرندن اشبومسلکك نه قدر تهلكه لی اولدیغنى بیان ایلمك ارتق بی فائدهدر . قوانینى منفعت اساسنه استناد ایتدیرمكدن باشقه بر قائده طانیق استمین بر جمعیت بشریه نك فصل بر حالده بولنه جنی ادنا ملاحظه ایله قضاير ایدر بو کبی قواعد اساسیه به مستند قوانینه تابع ملتلك حسیات و ظنبرورانه لری ، حالات روحیه لری ، بدایعه مفتونیتلری ، ناموس و استقامت به مجلوبیتلری ، شان و شرفه ، وطن اوغورنده فداکارلغه محبتلری - استشاره -

نزولدن مصون اولدینی هیچ بر زمان ادعا ایدیه مز . بو کی تفرعات نقطه سندن تدقیق کیفیته موضوع مسأله مساعد اولمديغندن صرف قوانین جزایه نقطه نظرندن آیرلماق ایجاب ایدر . عیبا قوانین جزایه بو کی اساسی و قواعد مستند اولسیدی نه کی نتایج تحدث ایدردی ؟ شبهه سز ، بر قاتل بر مجرم یرینه بر معصوم ، بر بی گناه بر ائقه بند حتی اعدام ایدیلیر . مجرم حقیقینک جزا دیده اولسی ایسه صرف بر اثر تصادفدن عبارت قالیر . الوری رکه برینک وفاتی دیگرینک انتقامی یرینه کتورسون ، راست کله بری ایچون ویریلان جزا دیکری ایچون بر درس عبرت تشکیل ایتسون . حالبوکه عدالت حقیقه عدالت محضه ، اصل مجرمی ، اصل قاتلی ، ارتکاب ایتدیکی جرم و جایمله متناسب بر صورتده جزا دیده ایلیمکدر .

آبای اسرائیلیه حضرت عیسا دن بحث ایلدکری زمان « بر قومک ، بر بر ملکت سلامتی ایچون بر شخصک محو اولسی لابد در . » قضیه سنی در میان ایلرلردی . متعصین اسرائیلیه نك پك مقبولی اولان بو قاعده برر حکومت تشکیل ایدن کافه ملل و اقوام نژدنده معتبر و معمول به ایدی و قوعات تاریخیه پك رعنا اثبات کیفیت ایلیمکده در غدر و اعتساف شکلندن باشقه اولیان بو قاعده نك اصول سیاسیه ده تطبیقی نه قدر فائده بخش ایسه احوال خصوصیه ده او درجه مهلاک و مضردر . مثلا بر گروه متعصین ، بر شخصه آغیر بر جرم ، ناموس شکن بر تهمت اسناد ایلیرک همان او شخصک جزا دیده ایدلمسی ، دار آغاجنه چکلمسی مصرانه ادعا و طلب و طلب واقعا رینک اجراسنی بالتهدید تأمین ایدرلر . حالبوکه بو زواللی ، بو بیچاره فرد کندیسنه اسناد ایدیلن جرمک فاعلی دکل ، فاعل حقیقی ایسه او نه ده غیر موجود اکر حکومت او معصومی ، جرم واقعت فاعلی صفیله مجریم ایتک استمز ایسه عدالت اجرا ایدلمدی ، جرم جزاسز قالدی ظنی تولد ایدر .

او معصومی یشاتمق یشاتمقدن اول اولدینی بی اریابدر . او خلق ایسه آیقلری آلتنده مضر بر قوردی اتلاف ایله جمعیت بشریه به خدمت ایفا ایتش

بر آدم غروریه محفوظ ، حییات وجدانیه سی مملکنه تمامی رطایله تطیب
ایلمش بر آدمک نشئه بی پاییه ذوقیابد . اشته بو حال ، جمعیت بشریه ایچون
نه قدر بیوک شیندر . نه قدر مضر بر کیفیتدر بر معصومک ،
بر زوالی بی کنه اهلک ناموسی ، حیاتی ، امید استقبالی بو صورتله
ایاقلر آئنده ازلیور ، قیریلور . فقط ذات مسأله جمعیت بشریه ایچون
نه قدر تملکلی ایسه خلقت ، عامه نك بر مجرمک مجازاتسز قالدیغنه قانع
اولسی کیفیتیه او قدر وخیمدر ، آجیدر . بو مسلك اربابنك ، بو نظریه
معقباترینك افکار عمومیه جه هیچ بر صورتله حسن تلقی ایلمسکدرنی یوقاروده
ذکر ایلدیکمز جهته ارقق بو باده فضله دلائل سرد و آتیانه محل کوریه مز ،
حق مجازاتك منافع عمرمیه دن انبعاث ایلمدیکی شویله جه اكلاشدقدن صوکره
منافع عمومیه تعبیر ایلدیکمز اساس نه در ؟ شو نقطه مهمه بی ده حاده تدقیقدن
کچریم: بعض قوانین جزاییه و مؤسسات حقوقیه نك اس الاسانی ، مبناسنی منافع
عمومیه تشکیل ایدر . بر شخصك ، بر فردك منفعت خصوصیه سی ایله بر جمعیتك ،
بر صنفك بر خلقتك منفعت عمومیه سی نصل تفریق ایده چکز . غدر و اعتسافی
عدالتدن ؛ حق ، امتیازدن ؛ مساواتی ، استبداددن تفریق اتمك ممکندر چونکه
حق و عدالتك لایتیر و عمومی اشکال مخصوصه سی واردر . حال بوکه منافع
عمومیه نك بر شکل مخصوصی اولیوب آمال و هوساتمك تأمین و تعظیمندن
عبارتدر . اکثریا بر صنف خلقتك آمال و افکار مخصوصه سی دیگر بر صنف
خلقتك آمال و افکاریله پك ظاهر بر تضاد تشکیل ایلر . حق بعضاً بر هم
اکثریتك ارزو و هوساتی قوانین دائمه اجتماعییه مغایرت کلیه ایله مغایر بولنور .
تاریخك ضبط و ایضاح ایلدیکی وقوعات مدهشه ، خاطره سی توپلری اورپردن ،
ذهنلری دهشتلره القا ایدن « سنت بارتلمی » وقایع جکرسوزی کاملاً منافع
عمومیه نامنه ایقاع ایلمش وقایع الیمدر . فرانسه تاریخنك پك حزین بر صحنه سی
تشکیل ایدن « یولول » قتل عامی هپ منافع عامه نامنه اجرا ایلمش الیم ، مدهش
وقوعات جیمه در . ینه او منافع عمومیه نامنه درکه آمریقاده بر حرب هاتلك

الغا ایلدیکی اصول اسارت ابقا ایدمک استیلورودی . ملتتری ، افرادینی محو و مضحل ایدن بوندن منفور بر قاعده متصور دکدر . مقاله آتیه مزده حق مجازاتک مدافعه مشروعه شکنده اولمدینی قاعده سنی وضع ایدن «لوق» وتلامیدی . مسلکینی ایضاح ایلده جکیز .

سماد مختار

ورمه چاره ۹

شومزدهم اگر صحیح چیقارسه هیچ شبهه یوق بیکلرجه یوز بیکلرجه خستکائی برموت ایلدن قورتاره حق ، بشریت هر سنه کندیسنگ بر میلیونی متجاوز افرادینی ، همده کنج ، تازه ، امید استقبال اولان افرادینی وقتسنز مزاره سوقان بردشمن بی امانه غلبه چالمش اوله جقدر . اودت شیمیدی به قدر مکرراً بویله شایه لر چیقیدی . ابتدا یکریمی سنه اولویور . آلمانیاک اک نامدار عالمی پروفسور (فوخ)ک بودرده دوا بولدینی هر کسی بویوک امیدلره دوشوردی . هر دیاردن برچوق هیئت طیه بودوای مکشوفی اوکره مک ایچون (برلین) . طوبلاندیلر . حتی بیکلرجه متورمین موت محققدن تخلیصی نفسی ایچون هر زحمتی هر کلفتی کوزه آدیروب اوشهر عظیمه هجوم ایلدیلر . مع الناسف اکلاشلدی که علاج هنوز قوامنه کلمه مش .

صوکرا فرانواده دوقتور (مارمورده) بویله برطادلی خبرله هر کسک یوره کنی اویناتدی . بوده بوشمش . بعده ایتالیا ارکان طیه سندن جنووالی معلم (ماراغلینو) جهانک انظار دقتی کندینه جلب ایتدی . اورایده برچوق متورملر کیدوب دوای جدیده تسلیم نفس ایتدیلر . او عاصی میقروبلر یوسفرده مغلوب ایدلهمدی . بومایوسیت هنکامنده عالم دوییدی ده که قوش پالازی (سروم) نک کاشفرلندن آلمانیا به ، ساده آلمانیا به دکل بوتون انسانیه شرف ویره ن باقتر یولوغ (بهرنغ) ورمده بر (وصل شافی) آرایورمش . وعادتا اله بکرمش ایش . هیئات هنوز بوتحریات عمیق و جدیده موفقیت ایله تنوید ایدلهمدی . بو کونده